

# Regndans for dei ville



Diskotek-polonese stod og på programmet då den «nye» Ungdomsbasen vart feira.

Foto: Sigbjørn Linga

Med diskotek, kaker og fagre ord feira både unge og eldre den nyoppstytte trivnaden ved Ungdomsbasen.

Sigbjørn Linga  
linga@hf.no

Regnet piska, men i motsetnad til før sommaren hadde det eit tak å piska mot. Dermed kunne dei framømte dansa tørt då det førebelse resultatet av kunstprosjektet ved Ungdomsbasen og Ungdomshaluen vart feira laurdag ettermiddag.

Folk i nær sagt alle aldrar og med ymse hudfargar, pluss ein hund, kasta seg inn i dansen med ein iver ein sjeldan ser før midnatt i Kvam.

I tillegg til taket finn ein på Basescamp ein eigen «chillekrok», ei stor hengekøye, eit lite trappeamfi og ein bålplass på den tidlegare litt livlause og gråe baksida av forsamlingshuset. Arbeidet er resultatet av innsatsen over tre veker pluss ei helg i vår og sommar. Og innsatsen er igjen resultatet av ymse ville idear som gradvis og teke konkret form.

— Me har jobba hardt og lenge. Det har vore eit slit og keisamt, men også minneriket og kjekt. Det



Espen Tyssebotn og Sara C. Fykse sit att med gode minne frå arbeidet dei har vore med på.

Foto: Sigbjørn Linga

er eit prosjekt frå ungdommar til ungdommar, og me gler oss til slutresultatet, sa Espen Tyssebotn, som saman med Sara C. Fykse fekk ordet på vegner av dei mange unge som har vore innblanda.

#### Medverknad i sentrum

Hovudansvarleg for prosjektet, som ber namnet Korleis vil vi leva saman?, er Katrine Meisfjord. Ho har vore involvert i ei rekke liknande prosjekt der medverknad, sosialt engasjement og eigarskap er nøkkelord. På fint — og engelsk — heiter arbeidsforma

community based art. Kjernen er at dei unge sjølve ikkje berre skal vera med og bestemme, men faktisk bestemme korleis dei vil ha det rundt seg i kvardagen.

Prosjektet starta for alvor våren 2019, då utekontakt Siriann Lillevik tok kontakt med Meisfjord og ytra ynske om å gjera noko med det «stygge og keisame» området utanfor lokala til Ungdomsbasen. Initiativet kom vel å merka fyrst frå Kunsthuset Kabuso.

Snøballen byrja rulla. Same haust tok Meisfjord med seg ein



På veggen hang skissene som viste vegen mot det endelege målet. På langt nær alt er permanent konstruksjonar.

gjeng ungdommar til Botnen for å henta inspirasjon. Etter tankeleik og kreative prosessar manifesterte ideane seg i 33 modellar som vart stilte ut i Kunsthuset Kabuso i fjor. Dei var grunnlaget for vidare siling og djupneintervju med ungdommane.

Arkitektane Cristian Stefanescu og Christof Mayer — fyrstnemnde var til stades laurdag — har med utgangspunkt i innspela laga skisser. Og med desse som fundament har både ungdommar, ungdomsarbeidarar, handverkarar og arkitektar bidrege til det

praktiske arbeidet i sommar.

#### — Gjekk fint

To av dei som var i sving med hammar og sag, er Andreas Tufeland og Aksel Byrkjeland. Den eine av dei er såkalla dosar — frivillig i Ungdomsbasen —, medan den andre vart med kanskje mest fordi det var løna arbeid i sikte.

— Det vart jo fint, men er sjølv sagt ikkje heilt ferdig. Det er ein prototype av det me ynskjer, seier Aksel.

— Det har gått fint, konstaterer Andreas.



# ideane



Katrine Meisjord fekk ros for stor innsats og stort tolmod som prosjektleiar.

Foto: Sigbjørn Linga



Frå venstre: Aksel Byrkjeland, Andreas Tufteland og Nikolas Bakke-Byrkjeland har vore med på prosjektet. Nikolai — eller DJ Bakke — har dessutan vore på DJ-kurs og stod for musikken på festen laurdag.

Foto: Sigbjørn Linga

de i sommar, er ei flytebyggje. Denne fekk smaka brakkvatnet ei stakka stund, men deretter byråkratiet. Kvam herad skal ha sett foten ned for henne på grunn av nærleiken til Straumen og risikoen konstruksjonen inneber. Bryggja er difor sitjeplass på land inntil vidare.

Sjølv om arbeidet allereie har gjeve bruksverdi, er det ikkje tanken at konstruksjonane skal stå slik i evig tid. Meisjord fortel at neste steg er å søkja ymse kjelder, mellom anna lokalsamfunnsordninga til Kunst i offentlege rom, om stonad til å setja ideane ut i livet «på ekte».

Alt i alt vil dei truleg kosta millionar, men ein treng ikkje realisera alt på ein gong, opplyser ho. Meisjord er optimistisk med tanke på å få med seg støttespelarane så langt vidare. Vona er å koma i gang så smått allereie i haust.

## — Vilt begeistra

Direktør Sissel Lillebostad i Kunsthuset Kabuso var full av lovord om kva både Meisjord og alle andre som har delteke — ikkje minst dei unge —, har fått til.

— Kabuso er vilt begeistra. Dette såg ut som verdas tristaste stad, samanklemt, grått og trist mellom ein hardt trafikkert veg og vatnet. Me er så glade for dette, sa ho.

— Eg er imponert. Uteområdet har ikkje sett ut. No er det mykje finare og mykje meir brukande. Og så er det viktig at dei unge har vore med heile tida. No skal ungdomane testa området og sjå om me treng noko anna, seier Lillevik, som konstaterer at til dømes hengekøya allereie er vorten ein populær plass å — ja, henga.

Støttespelarar i prosjektet er Grannehjelpa i Kvam, Utekontakten i Kvam, Hordaland fylkeskommune, Kvam herad, ekstraordinære koronatildelingar frå Kulturrådet og Kunst i offentlege rom.

## Ser stort potensial

I bresjen for snikringa har Klaus Rasmussen stått. Han meiner området ved Ungdomsbasen har eit stort og unytta potensial. Med skikkeleg tilrettelegging kan området verta ein triveleg stad med noko såpass ettertrakta som strandline, slår han fast. Eit av delprosjekta som er byg-

## OPPLEV NORGE MED SUZUKI!

- AUTOMATGIR
- 75–98 KM ELEKTRISK REKKEVIDDE (WLTP)
- 306 HK
- 500 LITER BAGASJEROM
- LÅGE UTSLEPP, BERRE 22g CO<sub>2</sub>
- 0–100 = 6,0 SEKUNDAR
- BILAR PÅ LAGER FOR RASK LEVERING



Best i Test!  
VG 23. april 2021



ACROSS SUV 4x4 PLUG-IN HYBRID  
frå kr 560.900,- Leasing: 3.987,- inkl mva pr mnd\*



FIRST EDITION PAKKE verdi kr 45.000,-  
BETAL 0,- SPAR 45.000,-

\*ACROSS SUV 4x4 PLUG-IN HYBRID. Inkl. vinstyrhjål, metalldekk og first edition pakke. Privatleasing 48mnd/60.000 km. For-sikret 87.375,-. Rente 3,9 %. Etabeling 3.303,-. Månedlegebyr 90,-. Totalpris 284.103,- i tillegg kjørs fakt, leasing og forf. leasing.

## HJÅ OSS KJØPER DU BRUKTBIL TRYGT

Me tilbyr finansiering på brukte og nye bilar til gode vilkår!

MODEL	FARGE	KM-ÅR	PRIS
16 Kia Optima 141hk out.	Blå	17,500	219,000
15 Toyota Auris Hybrid out.	Blå	32,000	169,000
10 Ford S-Max Titanium 114hk	Svart	118,000	99,000

MODEL	FARGE	KM-ÅR	PRIS
19 Suzuki Vitara 1,4L 140hk out.	Svart	48,000	329,000
19 Suzuki Vitara 112hk out.	Svart	51,800	279,000
19 Suzuki S-Cross 140hk out.	Blå	45,000	329,000
19 Suzuki Swift 90hk Hybrid	Svart	36,700	209,000
18 Suzuki S-Cross 140hk out.	Blå	37,700	294,000
17 Ford S-Max 7-seater out.	Gul	92,000	449,000
17 Skoda Superb Sportline 200hk out.	Gul	64,000	419,000
13 Ford Kuga Titanium 140hk out.	Gul	123,000	194,000
10 Toyota Urban Cruiser	Svart	102,000	69,000
10 Mitsubishi ASX 150hk Diesel	Blå	185,000	79,000

MODEL	FARGE	KM-ÅR	PRIS
20 Suzuki Across Plug in hybrid	Svart	17,000	599,000
20 Ford Kuga ST-Line Plug in Hybrid	Svart	14,800	469,000
20 Ford Puma ST-Line Hybrid	Blå	13,800	309,000
20 Suzuki S-Cross 4x4 out.	Svart	14,000	389,000
19 Suzuki Ignis Hybrid 4x4	Gul	20,000	209,000

For meir opplysningar sjå bilane på [www.omv.no](http://www.omv.no) eller kontakt Christoffer Gjerde | T: 481 84 305 | E: [eg@omv.no](mailto:eg@omv.no) | [www.omv.no](http://www.omv.no)

ØMV **Bilsenter**



Gyvesse mek. Verksted AS | Ditt bilsenter i Kvam | T: 56 55 03 00